

高等小學校用
第三學期

新制
中華歷史教授書
九

上海中華書局發行

中華書局發行

教育部審定

共和國民讀本

全二冊 價銀三角

諸君欲為共和國民乎。欲知共和國所以成立乎。欲知中華民國之共和政體乎。如欲知之。不可不讀此書。

諸君欲子弟為共和國民乎。欲子弟將來參政乎。欲子弟有選舉權乎。如其欲之。不可不讀此書。

諸君欲國民知共和之意乎。欲社會日趨於文明乎。欲國民政治思想發達乎。如其欲之。不可不讀此書。

本書所論述者。國體也。政體也。選舉也。國會也。大總統也。行政也。法律也。裁判也。中華民國也。世界共和國也。法美二國政治也。皆中華民國國民人人必備之知識。而中華國民由專制進於自由平等之階梯也。

◎教育部評語

全書六十課。於共和國國民智識。大致略具。此時國體初更。人民於政治改設處。多屬茫昧。正須曉以大體。俾無疑阻之思。是書准作為高等小學及中學補習之本。其餘程度相類之學校。亦可參酌用之。

癸十號

上海河南路五號

新制
中華高等小學歷史教授書 第九冊

目次

第一課	清之入主中華	一……………四
第二課	三藩起事	四……………五
第三課	清之征服外藩	五……………七
第四課	清之平定西南	七……………九
第五課	文字之獄	九……………十
第六課	教徒起事	十……………十二
第七課	鴉片戰爭及英法聯軍之戰	十二……………十三
第八課	太平天國之興亡	十四……………十五
第九課	中俄交涉	十五……………十七

新制高等小學歷史教授書

第九冊 目次

中華書局印行

MG
G623.61
67



3 2169 9564 1

第十課	外藩之失	十七……十八
第十一課	港灣之租借	十八……二十
第十二課	戊戌政變	二十……二十一
第十三課	庚子之亂	二十一……二十三
第十四課	豫備立憲與革命運動	二十三……二十四
第十五課	武漢起義	二十四……二十六
第十六課	清廷遜位與民國成立	二十六……二十七
第十七課	近代之政教學術	二十七……二十九
第十八課	歷代興亡概略	二十九……三十一

新制 中華高等小學歷史教授書 第九冊

第一課 清之入主中華

要目

滿洲建國。

教材

清之先世居長白山之東。明神宗時。努爾哈赤即清太祖并吞扈倫諸部。建國曰滿洲。定都瀋陽。天今奉勢大盛。子皇太極立降朝鮮及內蒙古。更國號曰清。是為清。太宗後朝鮮復叛。太宗再征之。以絕東顧憂。乃益寇明邊境。太宗歿。世祖福臨立。會李自成陷北京。吳三桂來乞援。攝政王多爾袞引兵與三桂共入關。破自成。自成西遁。多爾袞入燕京。受明諸臣降。迎世祖都燕。於是遣諸將西平李自成。張獻忠。南收河南諸邑。進逼江南。時史可法督師屯揚州。福王由崧庸闇。昵比羣小。清兵乘

勝攻之。明師敗。可法死。於是所過城邑。率遭慘戮。揚州十日。嘉定三屠。其殘殺之。最著者也。

要旨

使知清室開國之大略。

預備

明自神宗以後。滿州崛起。世爲遼東大患。明旣疲於奔命。卒以是而移其國。祚明亡。而清遂統一華夏矣。

提示

教清之先。亦一部落也。世服屬於明。受龍虎將軍之號。清太祖雄武勇悍。以少數人崛起。并吞旁近部落。爰建國號。其勢驟昌。蓋大業基於此矣。講起句至勢大盛。教太宗繼立。英果類太祖。蓄意與明爲敵。其再征朝鮮。亦爲伐明計也。明自此邊患日亟。國力日罷矣。講子皇太極立。至益寇明邊境。教世祖卽位。適明以內

亂自亡。清得吳三桂之請。長驅入關。自成烏合之衆。非清軍敵。清遂唾手而得燕矣。講太宗歿。至迎世祖都燕。教清開國之初。八旗兵銳甚。故所向皆克。福桂諸王。以次翦滅。而清之帝業成矣。但其殺戮之慘。傳爲口實。則亦清廷之失計也。講於是遣諸將西平李自成至畢。

應用

揚州嘉定之事。人多以爲清室罪。然國民不能自保其國。而被滅於他國。身既爲奴。公理人道。本無可言。則醢俎魚肉。唯命是從耳。嗚呼。亡國之慘。古今皆同。可不懼哉。

參考

清始祖名布庫里雍順。姓愛新覺羅氏。居長白山東。俄莫惠之野。幾多里城。國號滿洲。數傳至肇祖。名都督孟特穆。肇祖四傳而至景祖覺昌安。景祖生顯祖塔克世。太祖者。顯祖之長子也。生而英毅。有武略。國人稱之曰聰睿貝勒。是時諸部分

裂。滿洲之部五。長白山之部二。是爲明建州衛之地。東海之部三。是爲明野人衛之地。扈倫之部四。當滿洲北。是爲明海西衛之地。海西衛又分南北二關。哈達爲南關。葉赫爲北關。尤爲明遼東邊外之保障。太祖之用兵也。先從近部始。萬曆十一年。攻蘇克素之瓜爾佳城。渾河之貝瑋城。哲陳之託摩城。皆克之。全有建州衛之地。萬曆十九年。又征服長白山之鴨綠部。萬曆二十一年。呼倫四部蒙古之科爾沁等三部。長白山二部。協攻太祖。太祖大破之。萬曆四十四年。太祖卽帝皇位。建元天命。國號滿洲。太祖旣卽位。時海西四部已平其三。獨葉赫恃明援未下。天命三年。太祖大舉侵明。四年。明經略楊鎬集兵瀋陽。晝徵宿將猛士。及朝鮮葉赫之精銳。分四路深入。太祖先破其中路。旣而三路皆潰。是年八月。遂滅葉赫。天命六年。太祖攻瀋陽。克之。進克遼陽。遂定議遷都於瀋陽。卽今之盛京也。天命十二年。太祖崩。太宗卽位。太祖之第八子也。改元天聰。在位十七年。天聰元年。攻取大凌河城。進圍錦州。逼寧遠。前鋒至山東而還。三年。又大舉侵明。營京師。

之南海子。既而爲議和書。分置諸門外而去。十年。命郡王阿濟格。分路踰獨石口。入居庸。克昌平。逼燕京。略保定。掠人畜十八萬而去。崇德三年。命多爾袞等分兩路侵明。克城五十。降其八。俘人口四十餘萬。天聰九年。太宗改國號曰清。改元崇德。天聰九年。太宗滅蒙古。插漢部。得其傳國璽。崇德元年。太宗大舉征朝鮮。入朝鮮境。連戰皆捷。前鋒遂抵王京。朝鮮陽請和。而陰修戰備。既而清師畢渡漢江。朝鮮王李倧乞降。上明所給印勅。朝鮮遂爲藩屬。太宗以大軍屢入塞。而終不得尺寸土。以山海關爲之阻。而欲圖山海。非先下關外四城不可。崇德六年。遣軍攻錦州。築長圍困之。明督師洪承疇救之。太宗親赴大軍。大破明軍。遂降錦州。生擒承疇。崇德八年。太宗崩。世祖卽位。太宗第九子也。改元順治。清世祖順治元年。明崇禎十七年也。四月。命攝政睿親王爲奉命大將軍。率師收明山海關外地。並經畧中原。先是三月初。明以流寇內逼。召寧遠總兵平西伯吳三桂統邊兵入衛。三桂至豐潤。聞燕京已陷。不敢前。又聞家口被掠於賊。而賊已遣降將唐

通。白廣恩。率兵二萬。東攻灤州。向山海關。乃回兵擊潰賊衆。降其兵八千。急遣使至清。乞師討賊。攝政王得三桂書。卽日進兵。遂踰寧遠。次沙河。距山海關十里。時李自成自將兵二十萬。東擊三桂。又使白廣恩將二萬騎繞出關外夾攻。三桂先以礮轟開關外之賊。而自將五百騎從礮路突出。謁攝政王。卽軍中薙髮盟誓。遂合軍大破賊兵於山海關外之一片石。翌日大戰。又破之。自成走京師。載輜重西奔。五月。攝政王入北京。十月。世祖至自盛京。史可法字憲之。大興籍。河南祥符人也。福王名由嶽。神宗孫。燕京既陷。卽位於南京。改元宏光。拜可法禮部尙書。東閣大學士。仍掌兵部。馬士英阮大鍼者。逆奄之黨也。福王之立。二人之力居多。居中用事。忌可法。可法遂請出鎮淮陽。開府揚州。請餉爲進取資。士英靳不發。又以衛允文爲兵部右侍郎。總督興平軍。以奪可法權。時清以豫王多鐸爲靖國大將軍。率兵下江南。明年四月。清兵渡淮。攻揚州。可法檄諸將赴援。皆不至。清兵用巨礮擊城西北隅。城陷。可法自刎。不殊。一參將擁可法出小東門。既被執。可法大呼。

曰。吾史督師也。遂被害。五月。南都陷。福王走燕湖。清兵追及之。福王降。爲清兵所殺。

第二課 三藩起事

要目

三藩 吳三桂建國號周

教材

清世祖既定都北京。東南各地。反側未靖。遂封吳三桂。王雲南。尙可喜。王廣東。可喜。死子之。耿仲明之子繼茂。王福建。繼茂死子。精忠襲。以鎮壓各省。是爲三藩。三藩之中。三桂功最高。兵亦最強。故清廷亦畀以特權。及聖祖玄燁。康熙時。三桂之勢力愈強。士馬軍用亦富厚。會清廷下詔移藩。遂舉兵發難。尙之信耿精忠。亦同時舉兵。閩粵皆蓄髮易漢衣冠。東南悉響應。三桂建國曰周。遣將攻四川。破湖南。下甘肅。數月間陷六省。鄭經亦自臺灣攻克沿海。會耿鄭不協。精忠之信先後降。三桂之勢遂

日蹙旋病卒。其孫世璠立。失地日多。其勢益衰。卒爲清軍所滅。清又取臺灣。降鄭氏。遂統一中華全土。

要旨

使知起事於大定之日。則難爲功。此三藩之所以無成也。

預備

清之初定鼎也。漢人尙懷故國之思。而清廷亦不能無猜忌之見。况以明之遺臣而擁重兵。據強勢乎。此三藩之事所由起也。

提示

教吳三桂等。皆明故將。而有功於清。清特藉其力。以鎮東南之人心。故不惜割大郡以予之。然猜忌之心。固未嘗一日忘也。講起句。至是爲三藩。教清之入關。三桂導之。桂王之逃入緬甸。三桂誘而殺之。故三桂之功最高也。講三藩之中四句。教聖祖之時。天下已大定。最可忌者。獨三藩耳。於是。有移鎮之議。而禍變作矣。

講及聖祖玄燁時。至遂舉兵發難。教三藩之變。固爲謀保其權勢尊榮而起。然觀其蓄髮易服。亦略存舊物之思。而聲勢所及。又足以搖撼大局。苟非英果如聖祖。則清之爲清。未可知矣。至若鄭氏之在臺灣。奉明正朔。獨治一方。則與三藩之反覆無常。相去遠矣。講尙之信句。至攻克沿海。教三藩之無成。一則天下已定。三藩久北面清廷。今以臣畔君。其名不順。二則清以全力制之。大小強弱不同。三則三藩之團結不固。尙耿皆非主動。頗多觀望。四則耿鄭不協。失一強援。以此諸因。故雖一時燎原。數年之後。終歸撲滅也。至鄭氏之亡。則因鄭經既卒。國有內訌。清乘其敝。遂至不守。使成功或經尙在。決不至亡也。講會耿鄭不協至畢。

應用

三桂在其國中。頗驕恣淫虐。雖不免歸惡之辭。然觀其先降闖賊。後又引清兵逐闖。則其人品可知。又安能成大事哉。其餘兩藩。懷首鼠之見。更不足道矣。

參考

聖祖諱玄燁。世祖次子。順治十八年。世祖崩。聖祖卽位。改元康熙。在位六十一年。清太宗天聰六年。明參將孔有德。耿仲明。以舟師來降。明年。副將尚可喜降。二人皆毛文龍部將也。清封尚可喜爲平南王。封耿仲明爲靖南王。封孔有德爲定南王。順治元年。封吳三桂爲平西王。孔有德死。無子。國除。耿仲明死。子繼茂襲封。康熙十二年。尚可喜請撤藩歸老。許之。吳三桂耿精忠問之。不自安。亦請撤藩。以探朝旨。上念藩鎮非利。特允之。三桂遂發兵反。自稱天下都招討兵馬大元帥。以明年爲周王元年。遣兵陷四川湖南。廣西將軍孫延齡。陝西提督王輔臣。皆應之。十三年。耿精忠反。殺總督范承謨。十四年。尙之信幽。其父可喜降於三桂。十五年。康親王傑書等入福建。耿精忠降。十六年。尙之信降。十七年。吳三桂死。其孫世璠繼之。據滇南。二十年。四川提督趙良棟薄滇城。世璠自殺。三藩悉平。鄭氏事已見第六冊。

第三課 清之征服外藩

要目

準噶爾之強盛。清設駐藏大臣。清設西寧辦事大臣。大小和卓木之叛。

教材

清聖祖時。漢。西。蒙古。之。準。噶。爾。部。方。強。其。酋。長。噶。爾。丹。統。一。諸。部。落。并。青。海。結。西。藏。降。回。部。北。侵。喀。爾。喀。漢北蒙古一部喀爾喀諸部降清。聖祖親征三次。噶爾丹始敗死。

其後策妄拉布坦及策零相繼為準噶爾部長。皆桀黠不服。至高宗乾隆時準部內亂。乃命兆惠等分道進攻。準部始定。策妄拉布坦既據準部。又乘西藏第巴桑結西藏之理事者爭立喇嘛西藏喇嘛教王之亂。遂襲之。殺拉藏汗。聖祖命將擊退策妄拉布坦。別

立喇嘛。後設駐藏大臣於其地。

世宗時。青海和碩特親王孫羅卜藏丹津叛。世宗命年羹堯。岳鍾琪。平之。乃移青海辦事大臣駐西寧。以鎮撫之。

高宗既定準部。而回部酋長大小和卓木大和卓木亦曰霍集占。小和卓木亦曰布那敦。居葉爾羌。率舊

部自立。高宗更命將平之。於是葱嶺以西皆入貢。

要旨

使知清初之武功。中國幅員之所以大也。

預備

三藩既平。鄭氏亦亡。中國內部既以次平定。於是大伸國力於徼外。以擴張版圖。此聖祖世宗高宗三帝之功。未可沒也。

提示

教清之初葉。內外蒙古皆爲一家。或結以婚姻。獨漠西蒙古崛起不服。至聖祖三次親征。始窮蹙而死。至高宗時。遺孽復熾。又命將出師。始克平定。於是蒙古諸部無不臣服矣。講起句至準部始定。教準部之亂。牽及衛藏。聖祖平之。西藏遂隸職方。爲西方之屏蔽。中國國境遂直接印度矣。講策妄拉布坦既據準部。至後設駐藏大臣於其地。教世宗平青海。高宗定回部。西方因而大定。歷觀聖祖世宗

宗之武功。其有功於國家甚大。較之漢武唐宗。何多讓焉。講世宗時至畢。

通用

處列強競爭之世。非廣土衆民。不足以立國。若清初三帝之擴張領土。在今日固大食其福也。

參考

元之亡。蒙古分三大部。其脫歡太師及也先瓦剌之裔。爲厄魯特四衛拉。雄長西北。日漸強大。其四部曰綽爾斯。曰都爾伯特。曰土爾扈特。曰和碩特。康熙中。綽爾斯酋噶爾丹。自立爲準噶爾汗。兼有四部。南摧回部城郭諸國。威令行衛藏。二十七年。噶爾丹襲喀爾喀。大破之。喀爾喀來求援。二十九年。聖祖親征噶爾丹。破之。遇疾而還。三十年。復親征噶爾丹。遁去。三十六年。復幸寧夏。命將北征噶爾丹。窮蹙。仰藥死。康熙五十八年。西藏達賴占巴反。以皇子允禔爲撫遠大將軍。副將岳鍾琪爲先鋒。明年。鍾琪以兵四千。先至察木多。探知有準噶爾使者在其地。鍾

琪選能番語者二十人。衣番服。馳擒其使者五人。殺六人。諸番驚以爲神兵。又以計擒其將里喇瑪。萬人敵也。遂鼓行入藏。大破之。生擒準噶爾內應喇嘛四百餘人。降番兵七千餘人。西藏平。策妄拉布坦者。故準噶爾部長僧格之子也。僧格爲人所弑。其弟噶爾丹代爲部長。欲殺策妄以絕後患。策妄乃通好於清。及噶爾丹死。策妄乃爲部長。西藏之第巴桑結。先得噶爾丹之助。破和碩部。康熙二十一年。五世達賴歿。桑結祕不發喪。私立六世達賴。而專其權。會噶爾丹死。和碩部長拉藏汗。思恢復先業。康熙四十四年。攻殺桑結。囚其所立達賴。而別立新達賴。聖祖惡桑結之通噶爾丹。故保護拉藏汗。令鎮西藏。而西藏蒙古諸部。皆不服。更於甘肅西寧。立一達賴喇嘛。策妄聞之。因起兵畧西藏。殺拉藏汗。於是聖祖乃遣兵平之。至雍正二年。遂設駐藏大臣於拉撒。餘見第六冊。

第四課 清之平定西南

張廣泗平苗。傅恆阿桂平金川。安南受清加封。暹羅緬甸屬清。

教材

蒙古回疆既已先後戡定。及高宗乾隆弘曆時。西南有黔苗之叛。用張廣泗經略苗疆。收其土地。設兵戍之。以廣泗督貴州。未幾小金川與大金川金沙江上流之一部落。構釁。高宗復以廣泗督四川。使訥親往視師。無功。誅死。先後命傅恆阿桂討平之。用兵凡七年。安南王黎維祁爲其臣阮文惠所逐。遣使求援。高宗命孫士毅征之。先勝後敗。阮文惠遂據安南。高宗命福康安代士毅。文惠乃遣使謝罪。受清封爲安南王。緬甸自執送明桂王後。入款於清。三藩變後。絕貢使。高宗初。復入貢。適其國爲木疏酋長襲。籍牙所據。窺清邊境。楊應琚督滇。輕敵爲所敗。高宗使傅恆阿桂阿里袞等征之。破緬兵。將士病瘴死。乃許之。和至金川平。始入貢。後聞暹羅受封。亦來乞封號。緬甸遂爲清屬。

要旨

使知西南之平定。及屬國之受封。

預備

清歷康雍乾三朝。西方已大定。今講高宗時西南之事。

提示

教。苗人以官吏之虐待。遂起而反抗。清用勦撫兼施之法。漸次改土歸流。久乃就範。講起八句。教。大小金川之亂。用兵七年。僅乃克之。旗兵之精銳。漸不如前矣。講未幾大金川與小金川至用兵凡七年。教。安南之役。亦損傷甚鉅。雖安南受封。然羈縻而已。非有所利也。講安南王一段。教。緬甸暹羅。自高宗以後。遂爲清之藩服。然統觀以上諸役。率無全功。覺國家之武力。已有由盛而衰之兆矣。講末一段。

應用

主國與屬國。宜有休戚相關之意。聯爲一氣。則不致爲他國所垂涎。若僅貪朝貢。

之虛名。侈上國之威儀。則亦等於石田而已。

參考 均見第六册。

第五課 文字之獄

要目

明史之獄 南山集之獄 試題之獄 論史之獄 註經之獄 詩鈔之獄

教材

康熙雍正乾隆三朝。屢興文字之獄。殺戮株連之慘。爲亙古所無。如康熙時莊廷鑑以刊明史戮屍。并殺其弟李令哲。作序亦戮之。并殺其四子。而校對刊刻鬻書購書等連坐絞斬死者七十餘人。是爲明史之獄。戴名世著南山集。以語多忌諱。遂寸磔。名世族皆棄市。未及冠笄者發邊。刊行藏板者坐絞。是爲南山集之獄。雍正時查嗣庭主考江西試題。爲「維民所止」。訐者謂其去雍正二字之首。遂磔之。是爲試題之獄。陸生柎以論封建建儲及前朝事。而處斬。是爲論史之獄。會

靜勸岳鍾琪反。鍾琪拘之。詞連呂留良。所評時文。於是剝留良屍。親友並治罪。是爲文評之獄。謝濟世以註大學。詆程朱而下獄。是爲註經之獄。乾隆時。胡中藻著堅磨生詩鈔。帝誣爲訕謗。凌遲處死。男子十六歲以上皆斬決。是爲詩鈔之獄。

要旨

使知清初文字之獄。乃清室懾服漢人之計也。

預備

專制君主。生殺任其喜怒。故明初亦有文字之獄。但未若清初株連之甚耳。此則由漢滿之猜忌故也。

提示

教文字之禍。自聖祖開其端。當時清之入主中華未久。人心不能無反側。明史之作。南山之集。皆觸其忌諱。在雄主自爲計。固不能不出此嚴酷之手段也。講第一

段。教。世宗本雄猜之主。查嗣庭、陸生楠、謝濟世、三獄皆屬文致之罪。獨曾靜之獄。卻含有種族故國之思。若呂留良者。蓋以氣節自厲者也。乃世宗於嗣庭、生楠皆致之死。於曾靜則反舍之。故示人以不測。實具有操縱一世之手段也。講第二段。教。高宗時胡中藻一獄。所謂欲加之罪。何謂無辭也。統觀三朝之事。可見清初之猜忌漢人。蓋刻不能忘云。講末段。

應用

集五族而爲一國。若互相猜忌。大非國家之福。宜深以爲戒。

參考

雍正七年。順承郡王錫保奏。在軍前効力之陸生楠。細書通鑑論十七篇。抗憤不平之語甚多。其論封建之利。言詞更屬狂悖。顯係非議時政云云。世宗上諭云。叛逆之人。皆以宜復封建爲言。蓋自知不容於鄉國。思欲效策士遊說之風。意謂此國不用。可去之他國。殊不知如陸生楠之流。實天下所不容也。又云。其言建儲也。

借引漢武帝戾太子事。以爲譏刺。實爲彌天不可赦之罪人也。命將陸生楠於軍前正法。雍正七年。錫保又奏。在軍前効力之謝濟世。註釋大學。毀謗程朱云云。上諭云。朕觀謝濟世所註之書。不止毀謗程朱。乃用大學內見賢而不能舉兩節。言人君用人之道。借以抒寫其怨望誹謗之私也。應作何治罪之處。著秉公定議具奏。餘見第六冊。

第六課 教徒起事

要目

清高宗南巡。和珅用事。白蓮教起事。天理教林清李文成起事。

教材

高宗晚年。以享國日久。海內承平。遂生驕侈。三次南巡。供張無藝。民力爲之大困。又其時和珅用事。賄賂公行。吏治日壞。而亂事以起。

白蓮教徒劉松謀舉事被捕。其徒劉之協傳教川陝湖北奉童子王發生起事。事

費之協遁去。官吏大索之。株連無辜。於是聶傑人等起湖北。徐天德。王三槐等起四川。蔓延西北諸省。而和珅壓擱軍報。諱敗爲勝。故累年不克。及仁宗禪位。嘉慶賜珅死。專命額勒登保征討。獲天德等而亂始平。

仁宗末。白蓮教之餘黨。又創天理教。以起事。林清。李文成爲之魁。乘帝方秋獮木。蘭林清結內監直犯宮禁。以外援不至。皇太子旻寧發兵拒之。旋被擒。李文成據滑直隸山西皆響應。後爲那彥成。劉清等所平。蓋是時漢族之謀恢復者已屢起而屢仆矣。

要旨

使知高宗晚年崇極而圯。馴致內亂。

預備

文字之獄。清之猜忌漢人也。自是漢人之起而反抗者亦紛紛矣。若乾隆嘉慶間之教亂是也。

提示

教高宗在位六十年。承世宗撙節之後。府庫充實。故求無不得。而驕侈以生。晚年倦勤。委任和珅。政以賄成。揅克在位。民不聊生。而大亂作矣。講第一段。教白蓮。教以幻術惑衆。愚民從之。初非謀亂。欲舉事者。不過其首領數人耳。乃因官吏不肯搜捕騷擾。乃適以驅之。蠢動蔓延。乃及數省。然究爲烏合之衆。非強敵也。而閱七年始平。可見當時之兵力矣。講第二段。教林清之變。其謀頗詭祕。直欲從根本上動搖之。較之徒恃揭竿之勇者。固自不同。蓋頗類清末革命運動之事云。講末段。

應用

白蓮天理等教。度不過拳匪之類耳。大抵皆由於政治之不良。有以釀成之也。

參考

嘉慶十八年。天理教首河南滑縣李文成。直隸大興林清。賄通內侍。約九月十五

日起事。清居中調度。文成有黨數萬爲之援。滑縣知縣強克捷聞之。捕文成。斷其脛。其黨不能俟期。遂於九月七日。聚衆三千。破滑。出文成於獄。直隸之長垣。東明。山東之曹州。定陶。金鄉。同時殺官陷城。時倉猝起事。不能赴林清之約。清及期。使其黨二百人潛入內城。分犯東西華門。白帕其首爲號。太監劉金。高廣福。閻進喜爲內應。既而入東華門者。爲護軍格散。入西華門者。迷路不得入。時仁宗猶木蘭不在京。皇子等在上書房聞變。皇次子登牆望之。見有手白旗。踰養心殿門者。發烏銃殺二人。貝勒錦志亦殺數人。諸王大臣率禁軍入衛。先後擒獲多人。並太監等。十七日擒林清於黃村。皆殺之。而楊遇春。楊芳等亦連破文成軍。山東直隸。以次平定。遂圍滑縣。文成謀西走太行。以脛創不能騎。車載而出。遇伏大敗。文成窮蹙。縱火自焚死。滑縣亦平。和珅以正紅旗滿洲官學生。在鑾儀衛當差。選昇御轎。高宗見其儀度俊雅。昇轎時。詳加詢問。應對頗稱旨。遂派總管儀仗。升侍衛。擢副都統。侍郎。軍機大臣。上行走。旋由尙書授大學士。蓋自乾隆四十二三年以後。

尊寵用事。權勢赫然。性貪黷無厭。徵求財貨。皇皇如不及。督撫司道。競賄賂之。及高宗沒。仁宗乃下和珅於獄。詔內外奏其罪。至嘉慶四年。御史廣興給事中廣泰。王念孫等參之。仁宗遂暴其壓擱軍報。欺妄專擅之罪狀於天下。賜珅自盡。籍其家賞。計共一百零九號。已估價者二十六號。計值銀二萬二千三百八十九萬餘。未估者尚有八十三號。此可見其贖貨矣。

第七課 鴉片戰爭及英法聯軍之戰

要目

林則徐焚鴉片。英艦內犯。五口通商。香港界英。英法聯軍入北京。九

龍與英。

教材

宣宗道光時鴉片之毒流行海內。林則徐督廣東。悉收鴉片焚之。英商不服。即以兵艦犯澳。粵先後爲林則徐鄧廷楨所挫。乃更犯浙江。陷定海。北犯天津。入大沽。

朝命琦善與英人議和。節則徐廷楨職遺戍伊犁。

琦善至廣東。撤海防以媚英人。英乘之以兵艦突犯廣東。陷虎門。礮臺遂進據廈門。陷定海。直達吳淞。兩江總督牛鑑遁。英師遂陷鎮江。逼金陵。朝命耆英與英使訂江寧條約。開五口。廣東。廈門。福州。寧波。上海。通商。以香港界英。

至咸豐。文宗七年。葉名琛督兩廣。不諳外交。與英生隙。會法教士適在廣西遇害。

英法遂聯軍犯廣東。葉被虜。又北陷大沽。乃與英議和。訂約於天津。旋又啟釁。聯軍入京師。焚圓明園。文宗奔熱河。以俄使調停。遂訂北京條約。開天津等商埠。以九龍與英。

要旨

使知外交之失敗自此始。

預備

清自高宗後。國力漸衰。迨宣宗時。鴉片一役。而外患自此始矣。

提示

教鴉片之毒。我中國甚矣。金錢外流。鳩毒是耽。林文忠之毅然禁之。實爲憂國大計。乃既與英人開戰。而沿海督撫。皆闔允無能。至使巖疆不守。林志不伸。可嘆也。講第一段。教琦善於和議未定時。而遽撤海防。使英人得深入內地。於是不得不隱忍乞和。割地賠款。通商之約既定。遂爲以後諸外禍之導線。講第二段。教英法聯軍之役。其原則在鴉片之戰。蓋鴉片戰後。廣東民排外之熱甚盛。英以商務故隱忍之名。琛遽自以爲功。務爲大言而不修戰備。以鑄此大錯。時適國有內亂。故尤不足與英法抗。由是割地之約再見矣。講第三段。

應用

中國之外禍。自鴉片之役始也。然使當時沿海督撫。稍有人才。而與英之交涉。稍示通容。則當能就我範圍也。

參考

均見第六冊。

第八課 太平天國之興亡

要目

太平天國。曾國藩練湘軍。曾胡設長江水師。李鴻章練淮軍又借用外兵。

洪氏諸將內訌。太平天國亡。

教材

宣宗末。洪秀全倡義於金田村。廣西花縣蓄髮為號。進克永安。建號太平天國。率衆入湖南。攻長沙。不克。趨岳州。克武漢。勢大振。時曾國藩練湘軍禦之。屢撲武昌。復而又失者數次。洪軍遂沿江而下。克九江。下安慶。遂復南京。都焉。欲乘銳北進。會向榮率清兵南下。乃分兵略江浙。時穆宗同治立。曾國藩胡林翼謀設長江水師。以彭玉麟領之。迭陷沿江要地。李鴻章練淮軍與左宗棠分犯江浙。又借用外兵。以窺蘇常。而國藩弟國荃力撲江寧。洪氏諸將又內訌。南京遂失守。時秀全已先卒。石達開李世賢等分兵入川。粵為左宗棠駱秉章所敗。溯自起兵。至是十五年。而

太平天國始亡。

太平天國亡後。又有捻回之役。捻首張洛行爲蒙王僧格林沁所敗。其從子張總愚走山東。與任柱賴文光合。分爲東西。捻李鴻章左宗棠等平之。

要旨

使知洪氏興亡之大略。

預備

清自入關至宣宗末年。蓋二百餘年矣。其於漢人猜忌之心。亦稍淡忘。然此時乃有一大革命發生。則洪楊之事是也。

提示

教秀全奉天主教。其起也標種族主義。兼之以宗教。故從之者多。既得永安。遂建國號焉。議起句至建號太平天國。教時清室承平既久。武備廢弛。官軍遇戰輒逃。洪勢遂大熾。講率衆入湖南。至勢大振。教湘軍初起。戰多不利。然此時綠營

及滿兵皆不足恃。湘軍又新集。故洪軍遂得南京而都焉。講時曾國藩練湘軍禦之。至遂復南京都焉。教。洪軍既北進無功。而沿江要地。又爲曾胡等所蹙。蓋自穆宗卽位。重用漢人。曾胡左李各得展其才。洪勢遂爲之大挫。講欲乘銳北進。至國荃力撲江寧。教。內訌者。國之賊也。不待敵人之攻。而自相屠戮。有不亡者乎。此洪氏之所以無成也。講洪氏諸將又內訌。至太平天國始亡。教。捻回之亂。乃洪役之餘波也。幸左宗棠平之。不然。則新疆非中國有矣。講末一段。

應用

洪氏之事。固爲種族之革命。而今日則爲一家矣。當時譬猶兄弟之爭產。今則仍爲同居合製。讀者當知此意可耳。

參考

均見第六冊。

第九課 中俄交涉

要目

尼布楚條約。恰克圖條約。愛璉條約。北京條約。俄人經營海參崴。崇厚許伊犁與俄。

教材

俄人於元亡後。次第并蒙古諸汗國。漸侵入黑龍江北岸地。清聖祖遂與彼得帝訂尼布楚條約。立界碑於外興安嶺南額爾古納河南岸。及世宗時。又與訂恰克圖條約。迨太平天國之戰。俄人乘隙私移界碑。迫清廷更定界約。咸豐八年。訂愛璉條約。與俄以黑龍江北岸地十年。英法之戰。俄使以居間調停。要索酬報。復訂北京條約。以烏蘇里江東岸沿海地割讓於俄。俄人遂得經營海參崴軍港。此俄人侵略滿洲之政策也。

同治十年。新疆回亂。俄人乘機進占伊犁。清廷命崇厚赴俄開議。崇厚許以伊犁西南境歸俄領事。聞朝議大譁。召崇厚還。命曾紀澤赴俄重議。俄人堅持前約。左宗棠一意備戰。曾紀澤亦抗辯力爭。卒收回伊犁全境。而以羅布九百萬償俄。十

一年。遂改新疆爲行省。

要旨

使知俄之蓄意謀我。釀成屢次交涉。

預備

清廷之外交始於俄。而壹意以侵略爲政策者亦惟俄。故中俄之交涉。吾人不可不注意也。

提示

教。清未入關之時。俄勢已漸次東侵。時清方志在中原。未遑兼顧。迨聖祖時。始有尼布楚之約。時中國方強。而彼得初卽位。故我頗占優勢。清之與外人締結條約。自此始也。講起六句。教。世宗時。中國尙盛。故恰克圖之約。無甚喪失。至咸豐時。我國方內亂。俄人乘之。遂奪我黑龍江北岸之地。講及世宗時八句。教。英法聯軍之役。我已喪失無算矣。而俄又以居中調停。坐收漁人之利。由是俄得經營海

參巖以爲海軍根據地。滿洲遂從此多事矣。講十年英法之戰。至此俄人侵略滿洲之政策也。致俄人藉口回亂。占我伊犁。崇厚事事依俄人之要挾。幾斷送伊犁。幸其時新平內亂。兵氣方揚。得以挽回。此則左宗棠會紀澤之功也。講同治十年至畢。

應用

外交以兵力爲後盾。故國勢愈強。外交愈占優勝。觀昔時中俄之交涉。與今日之情形。相去幾何哉。

參考

聖祖時。中央亞細亞基華布哇二汗國構釁。基華汗乞援於俄。俄人聞中亞富產金沙。遂派探險軍二隊圖之。是爲俄侵略中亞之始。後又乘準部與中國構難。出兵煙尼塞河上。擴張其領土。自是俄乃與我接壤。雍正六年。俄后加他鄰遣使臣韋其斯。與郡王策凌等會於布拉河上。議定界約。以恰克圖爲市場。是爲恰克圖

之約。咸豐八年四月。黑龍江將軍奕山與俄使岳福在愛琿城議定和約三條。五月。大學士桂良等與俄使在天津定中俄條約十二款。餘見第六冊。

第十課 外藩之失

要目

法以安南爲自主國。清軍大敗法兵。以安南爲法保護國。朝鮮東學黨。中日之戰。以朝鮮爲獨立國。澎湖臺灣與日本。馬關條約。

教材

安南自阮黎亂後。開海禁。許法人通商傳教。後悔約。戕法教士。法與西班牙聯兵攻之。安南割西貢以和。同治時更訂約。以安南爲自主國。清廷未之知也。既而安南與法開釁。始勝而後敗。告急於清。清軍援之。大捷。法軍殲滅殆盡。而政府未得捷報。遽與法使和。遂以安南爲法保護國。安南既屬法。莫亦取緬甸爲印度屬地。暹羅亦獨立。日本取琉球爲沖繩縣。而復

窺朝鮮。誘使自主。及光緒二十年。朝鮮有東學黨之亂。乞援於清。清遣兵往。日本亦進兵。欲共革朝鮮內政。政府不允其侵犯權限。遂宣戰。葉志超戰敗於平壤。日本遂渡鴨綠江。入奉天。渡海寇山東。陷威海衛。丁汝昌戰敗。死之。清廷大震。乃遣李鴻章與之議和。認朝鮮爲獨立國。割遼東半島及澎湖臺灣與日。俄以日據遼東。不利於己。乃糾德法魯日。還我遼東。馬關之約遂定。

要旨

使知中國屬地盡去。藩籬全撤。

預備

俄人既屢有所得於我。故各國並思染指。蓋此時中國積弱之形。爲列強所洞悉。予取予求。無不如志也。

提示

教歐人之謀人也。先之以通商傳教。繼之以兵力。其取人屬國也。先許其獨立。繼

歸其保護。法之於安南。蓋謀之久矣。中法之戰。初則互有勝負。後竟大捷。而仍失安南。此真外交之大誤也。講第一段。教歐人以均勢爲政策。一國得利。則他國效之。英之取緬甸。日之取琉球。皆此政策也。然法人尙有戰爭之費。英日則安坐而得之也。講安南既屬法四句。教日本之窺朝鮮。數百年矣。而我固不知。甲午之役。彼全國一心。致死於我。我猶以爲日本小國。北洋海軍必能敵之。孰知一敗塗地。受此大創乎。及三國迫還遼東。而日俄之戰。因此而生矣。講而復窺朝鮮至畢。

應用

外交無不損失。戰爭無不喪敗。吾人可不奮然自興乎。

參考

日本自維新以來。欲與朝鮮訂鄰交。而忌我國之干涉。適日本雲揚艦在江華島受砲擊。乃使黑田青隆問其罪。且甘言以誘之。乃與訂約二款。一朝鮮爲獨立國。

二釜山外。更開元山仁川二港。與日本通商。光緒八年。美國繼之。明年英德繼之。又明年俄繼之。十二年。法與訂平等之約。而我國未之知也。初朝鮮王李熙年幼。其父大院君李昰應柄政。及王親政。大權悉歸其后閔氏一族。大院君失勢不。平。光緒八年。喉亂民擊閔族。並燒日本公使館。日本命井上馨問罪。乃償銀五十萬圓。日本得派兵駐公使館。我國亦派兵往。以爲抵制。時朝鮮大臣中。閔泳翊。泳。駿等倚我國。爲事大黨。樸泳孝。金玉均等倚日本。爲獨立黨。迨兩國各派兵駐守。兩黨之衝突益甚。光緒十年。金玉均首發難。突起攻閔黨。挾朝鮮王。乞援於日本。我國駐朝鮮委員袁世凱。以兵大破獨立黨。還國王。俘大院君。事定始釋之。由是聲望大盛。光緒十一年。中日開議於天津。訂撤兵派兵之約。我國由此失上國之權。餘均見第六册。

第十一課 港灣之租借

教材

列強要求均勢。德據膠州灣。俄占旅大。英租威海衛。法領廣州灣。

清廷自甲午一役為日本敗後其積弱無能之真相悉為人所知於是歐美列強因日俄所得之利益獨厚遂競起而求均勢德國首先發難藉口兗州匪徒殺傷德國教士事即派遣兵艦強占膠州灣定租借期為九十九年並索得山東省鐵道敷設權及採礦優先權。

同時俄國藉口以膠州灣讓與德國膠州灣本租借與俄國載喀希尼條約中亦派遣兵隊強占旅順大連訂租借期為二十五年英國亦以條約租威海衛及香港對岸之九龍島訂期如旅大以與俄國相抵抗法國因其士官二人為廣州灣近地暴徒所害遂發兵征暴徒占領廣州灣並約兩廣雲南及海南島不得割讓他國英人又求拓九龍租界及九廣鐵路以抵制法人自是以後鐵路鑛山紛紛要素沿海軍商諸港悉為外人占有矣。

要旨

使知各處港灣。名爲租借。實同割讓。

預備

欲興海軍。必藉良港。乃我國港灣之形勝者。均被外人占去。蓋強敵已在庭戶之內矣。

提示

教列強既以均勢爲政策。故不能使一國獨享權利。况知中國之易與。可以用虛聲恫喝。而得實利。則又何樂而不爲乎。講起七句。教中日戰後。於是有中俄密約。許以膠州灣借俄。德人乃爲先發制人之計。藉口教案。遂占膠灣。我國爲所懾服。俯首訂約。又附之以路礦權。可謂善讓者矣。講德國首先發難七句。教膠灣固俄人囊中物也。俄何以不出而抗議。則德國以旅大許俄。以我之土地爲彼之交易也。於是我國之旅大又去矣。講同時俄國藉口以膠州灣讓與德國四句。

教。德俄既競着先鞭。英法豈甘居人後。有例可援。無求不得。英援條約爲言。步俄之後塵。法借教案爲辭。辭學德之故智。於是各得所欲而去焉。講英國亦以條約至畢。

應用

觀於列強均勢之局。可知苟失一地。則隨其後者。必不止一地也。然則如之何。曰。惟有力圖自強。與之一決雌雄耳。

參考

均見第六冊。

第十二課 戊戌政變

要目

那拉后專政。康梁倡變法維新之說。康梁謀廢太后。那拉后幽德宗。殺六君子。

教材

清自穆宗以冲齡踐阼。太后那拉氏文宗專政。穆宗死。德宗光緒載滌入嗣。太后仍垂簾。先後寵任內監安得海、李蓮英等。賄賂公行。政治日壞。及日清戰後。國勢大衰。各國復相率租索要地。於是瓜分之說播騰中外。

是時德宗方親政。憂國事日非。發憤求治。圖變法自強。適廣東康有為、梁啟超等倡變法維新之說。風靡天下。執政大臣亦多附之。帝遂因太傅翁同龢以擢用康、梁。規畫新政。力效西法。又為守舊派剛毅、榮祿等所惡。訴之太后。以阻遏之。康、梁等遂謀以兵圍頤和園。太后退居之地廢太后。事為太后所知。遂執德宗、幽之瀛台。殺康、廣仁、譚嗣同、楊銳、林旭等六人。太后復臨朝。悉罷新政。黜翁同龢等。而以端郡王載漪、剛毅等代之。於是清廷政權。又握於頑固守舊派之手。遂釀成拳匪之亂。

要旨

使知變法無成。為清室致亡之一原因。

預備

因危亡之迫切。乃思變法以圖強。而新舊之爭起矣。

提示

教。清室之亡。那拉后之故也。垂簾數十年。政治日壞。加以外患迫切。危亡之禍。近在眉睫。變法之機。由是而動焉。講第一段。教。德宗頗賢明。徒以壓於太后。不能有所作爲。及既親政。首思變法自強。亦可謂有志者矣。講是時德宗方親政四句。教。當時人民。尙未知變法之必要。經康梁等竭力提倡。於是風氣一變。云。講適廣東康有爲梁啟超等四句。教。維新之說。其勢力漸及於政界。德宗遂毅然用之。而變法之事起矣。講帝遂因太傅翁同龢四句。教。新政之行。爲太后所不喜。又爲剛毅等所譖。遂致新政大生阻力。講又爲守舊派三句。教。謀以兵廢太后者。乃新黨一時權宜之計畫。未嘗見諸事實也。舊黨譖之。太后以實之。遂致德宗被幽。舊黨大肆猖獗。新黨或死或竄。新政悉罷。而舊黨猶以爲未足。其反動力致釀成拳匪之亂。云。講康梁等遂謀以兵圍頤和園至畢。

應用

戊戌政變。固由於舊黨之頑固猜忌。以致釀成巨禍。要亦因新黨操之太切。所謂機事不密則害成也。

參考

見第六冊。

第十三課 庚子之亂

要目

立溥儀爲大阿哥。義和團起事。八國聯軍入北京。革命起點。

教材

那拉后聽政。欲廢德宗。立端王。載漪子溥儀。疆臣劉坤一等。皆不奉詔。康梁等結華僑立保皇會。發電爭之。外人亦不允。不得已。乃以溥儀爲大阿哥。承繼穆宗。由是那拉后遂萌排外之志。時山東有義和團者。承白蓮教之餘風。設壇演拳。以妖術惑民。詭言能避槍礮。山東巡撫袁世凱。捕治之。遂竄入畿輔。端王及軍機大臣

剛毅等縱令攻各國使館。殺德使。及日本書記。英法俄德美日意奧八國聯軍赴援。破大沽礮臺。占天津。遂攻陷京師。德宗及太后奔西安。留奕助李鴻章與各國議和。賠款四百五十兆兩。兩江總督劉坤一。湖廣總督張之洞。聯合東南各督撫。與各國訂互相保護之約。故直隸之外。不受戰事影響。是年唐才常起兵於漢口。鄭弼臣起兵於惠州。事雖不成。實爲革命之起點。

要旨

使知清室因排外而釀巨禍。

預備

戊戌政變。新舊之爭也。而新法之輸入。皆取法於外洋。於是頑固者惡外之心日熾。加之以他種原因。而排外之事成焉。

提示

教那拉后以德宗變法惡之甚。因欲廢之。乃各疆臣多不贊成。保皇會亦電爭。此

皆非太后之所懼也。獨外人不允。則牽及外交。不能無所懾。遂僅以立大阿哥止焉。此那拉后排外之原因也。講起句至遂萌排外之志。教愚民不學。誤以小說之言爲可信。奸民乘之。集合下流無賴。造作妖言。此義和團之所由起也。講時山東有義和團者四句。教剛毅本頑固黨之首領。與端王皆爲那拉后所信任。三人主持於上。拳匪則乘勢搶掠。以飽其欲。遂有攻使館殺外人之事。而燎原之勢成矣。講山東巡撫袁世凱捕治之五句。教那拉后不顧公法。不顧外交。釀此滔天之禍。其究也。則人民既慘遭淫殺。又負此絕大之償款。試問那拉剛端諸人之毒我中國爲何如乎。講八國聯軍赴援七句。教北方大亂而南方晏然者。以中外訂互相保護之約耳。此時東南保障之功。皆各督撫之力也。講兩江總督劉坤一六句。教大局之潰敗如此。人民之痛苦如此。而革命之實行。遂因之起矣。講末四句。

應用

一二人肇禍。千萬人受其害。推原禍之所由始。皆由於知識之不足。嗚呼人豈可
以無學問哉。

參考

見第六冊

第十四課 豫備立憲與革命運動

要目

清廷假立憲愚民。吳樾炸五大臣。徐錫齡熊成基謀起事。袁世凱罷。設
內閣。皇族掌政權。清諭懲代表。胡漢民汪兆銘謀炸載灃。黃興趙聲起
義廣州。黃花崗七十二烈士。

教材

德宗末造。國人競言立憲。清廷亦欲假此愚民。遂遣載澤。端方等五大臣。分赴各
國。考察憲政。吳樾炸之於京師車站。未中。徐錫齡。熊成基等。相繼起事於安慶。皆
不克死之。清廷遂有豫備立憲之詔。分期籌辦。延以九年。始定憲法。

既而德宗及那拉后相繼歿。醇親王載灃子溥儀入嗣。以載灃攝政監國。改元宣統。未幾罷黜袁世凱。設立內閣。以奕劻爲總理。任用其弟載洵。載濤等爲海陸軍大臣。自是軍政財政諸重權悉歸皇族掌握。國政日紊。外交益亟。各省人民派代表入京。請早開國會。不許再請之。則詔令嚴懲代表。輿論大爲激動。胡漢民汪兆銘等遂謀炸攝政王於北京。未遂。於是革命潮流益烈。至民國前一年。黃興趙聲起義廣州。率勇士直攻督署。將大舉。會清吏有備。不克。死烈士七十二人。葬之黃花崗。其後至鐵路國有之議起。武漢之事始告成功。

要旨

使知清廷之僞立憲。適以自速其亡。

預備

清廷末造。積種種之禍。民心既大爲激動。民氣亦因之愈固。遂一發而不可遏。政府不得已。乃有立憲之說焉。

提示

教。國人本惡政府之腐敗。更因日俄之戰。俄專制而敗。日立憲而勝。乃爭言立憲。以期挽回國勢焉。講起二句。教。清廷究未知立憲之精意若何。特爲時論所激。不得不勉順輿情。以爲敷衍之計。於是五大臣考察憲政之事。講清廷亦欲假此。憑民四句。教。其時有持激烈主義者。知清廷終無志於真立憲。遂以種族革命爲志。若吳樾徐錫麟輩皆是也。講吳樾炸之於京師車站六句。教。民心愈激烈。清廷愈懼。乃有豫備立憲之詔。講清廷遂有豫備立憲之詔四句。教。宣統時親貴擅權。童昏當國。此所以國事愈壞。外交益亟也。講既而德宗至外交益亟。教。人民希望立憲之心。至是愈切。乃清政府則不欲予人民以政權。又不敢顯然拒絕。故稍近其期。許宣統五年召集國會。再請之。則有嚴懲代表之諭。由是政府與人民大形衝突矣。講各省人民派代表入京。至輿論大爲激動。教。人民之希望立憲者。皆和平派也。既不得請。則和平者亦變而爲激烈。而夙以革命爲志者。

乘機起事。前後接踵。皆清廷之有以召之也。講胡漢民汪兆銘等至畢。

應用

觀於清之末造。君民已如水火。而又激之。則安得而不亡耶。

參考

見第六冊

第十五課 武漢起義

要目

鐵路國有政策。格殺勿論。川人宣告獨立。民軍起義武昌。黎元洪爲都督。五族共和。孫文爲臨時大總統。改用陽曆。臨時約法成。

教材

民國前一年。清廷議收鐵路爲國有。盛宣懷主張尤力。湘粵首先抗議。川省繼之。尋下格殺勿論之諭。人心益憤。川人遂宣告獨立。川督趙爾豐率兵勦殺清廷。又命端方統各路援師入蜀。民軍乘之。遂起義武昌。聯合新軍數營。同時大舉襲擊。

總督衙門。占取軍械官錢。諸要局。湖廣總督瑞澂。逃。民軍遂據武昌。推黎元洪爲都督。進占漢口。漢陽。清廷聞警。命蔭昌等率兵至鄂。累戰皆敗。民軍遂設立政府。頒布民政。發行紙幣。製造藥彈。軍威日盛。湘贛諸省。亦同時響應。民軍遂宣言獨立。定五族共和政體。稱中華民國。以湖北鄂軍政府爲假定中央機關。旋又克上海。陷南京。孫文自海外歸。公舉爲臨時大總統。設立民國政府於南京。至十一月十三日。孫文卽大總統任。改用陽曆。卽以是日爲中華民國元年元旦。用五色國旗。頒定暫行法規。統治各地。參議院議定臨時約法。於是民國之基礎漸固。

要旨

使知造攻武漢。爲革命之首功。

預備

清廷雖僞言立憲。而人民則以爲萬無可望。此大革命之所以應時而起也。

提示

教。鐵路國有之議。本未可謂爲政府之罪。然因人心之深惡清室。故無論何種政策。皆遭排斥。此議適當惡感極深之時。遂釀成絕大之風潮焉。講起十句。教。諸志士之運動革命久矣。屢起屢仆。志不少衰。及武昌起義。竟得手焉。蓋因瑞澂先逃。唾手而得省城。旋復漢口漢陽。蔭昌又敗北。於是設軍政府於武昌。而民軍之基礎定矣。講民軍乘之。至軍威日盛。教。東南各省。同時響應。而共和政體之中華民國。始有成立之希望。此時之中央政府。設於湖北。固自然之勢也。講湘贛諸省。至爲假定中央機關。教。孫文久爲革黨首領。南京既復。孫文遂被舉爲臨時大總統。此時則移湖北之中央機關於南京矣。講旋又克上海。至孫文卽大總統任。教。改正朔。定旗幟。設參議院。立臨時約法。此民國最初之新政也。講改用陽曆至畢。

應用

前此革命。屢遭挫折。而此則事勢極順。蓋人心爲之也。人心一致。事無不成。則一德一心之訓。可不曷哉。

參考 見前

第十六課 清廷遜位與民國成立

要目

清廷起袁世凱。 南北議和。 清廷宣告退位。 南北統一孫文辭職。 袁世凱爲大總統。 京津兵變。 宗社黨思亂。

教材

南京政府既已成立。而清廷猶擁尊位。起袁世凱爲內閣總理大臣。委以國事。袁主講和。南北停戰。遂派唐紹儀爲議和專使。與民國代表伍廷芳訂和約於上海。既而撤回專使。事幾決裂。幸其時北方軍隊皆贊成共和。將領四十餘人聯名上書。要求清廷退位。改革政體。清廷知勢無可挽。乃與民國代表議定優待諸條件。

遂宣告退位。讓完全統治權於中華民國。清室遂亡。

自是南北統一。孫文辭職。參議院選舉袁世凱爲臨時大總統。復議共和政府。地點各省爭議不決。嗣因京津兵變。宗社黨滿人良弼鐵良等所組織者復密布思亂。遂仍定北京。移南京政府及參議院等就之。於是數千年專制政體一變而爲共和矣。

要旨

使知南京政府成立之後。民國以和平之手段。收回全國之主權。

預備

今日所講。乃前此歷史所未有之事。卽推翻專制政府。而建立一共和民主國是也。

提示

教清廷諸親貴。於無事時則競攬威權。迨事急則束手無策。故袁氏遂起而代之。講起五句。教袁恐戰禍久延。將啓外人之干預。而南方亦甚願和平解決。乃有

南北議和之舉。講袁主講和五句。教和議久不決。事幾中變。蓋必有人從中作梗也。後北方軍隊亦贊共和。於是清不得不退位。而優待條件亦磋商就緒。遂化征誅爲揖讓。而清室以亡。講既而撤回專使。至清室遂亡。教當時北方實權。悉握諸袁氏之手。而袁能讓歸民國。厥功甚偉。故孫文解職。而以袁氏代之。中央機關。則遷於北京。時頗有主張政府設在南方者。卒以南北協商。知事勢有所不可。遷都之議乃罷。從此掃除專制。肇建共和。人民之幸福固多。而責任亦愈重矣。講自是南北統一至畢。

應用

清雖不得已而退位。然其揖讓之德。所保全者甚大。若宗社黨者。不能保於未亡之前。而欲救於既亡之後。亦可謂無知妄作者矣。

參考

見第六冊

第十七課 近代之政教學術

要目

軍機處掌政權。宣統設責任內閣。三權分立。民國設都督省長。民國廢府廳州之制。桐城派。陽湖派。

教材

清初以內閣掌政權。而以六部分理國政。雍正後大權歸軍機處。至宣統末設責任內閣。裁軍機處。定各部爲國務大臣。民國成立以國務院爲行政機關。以議院爲立法機關。以法院爲司法機關。三權分立。外省則清以督撫統屬文武。其下有道府廳州縣。民國則各省設都督。有省長。有高等審判廳檢察廳。各道有觀察使。各縣有知事。又有地方審判廳檢察廳。府州廳悉廢矣。

宗教除儒釋道而外。有天主教耶穌三教。許人民信仰自由。無束縛之苦。近則儒釋並盛。道教漸衰矣。

清初大儒有黃宗羲顧炎武王夫之諸人。皆明季遺老。以著述傳世。古文家有桐

城陽湖兩派。如方苞、姚鼐、惲敬、李兆洛，皆其巨子。史學王鴻緒、地學顧祖禹，亦代

有其人。而梅氏文鼎、華氏衡芳之算學，則尤著。

近時科學發明，物質文明，亦大進步。如汽船、汽車、電燈、電信之類，日見推行。他日製造之精，足與歐美頡頏，可預卜矣。

要旨

使知近代政教學術變遷之大略。

預備

近代之政教學術，與今日之因果，關係至為切近，是不可不知其大略也。

提示

教清初以內閣掌政權，承明制也。後歸軍機，亦猶明之由中書而移歸內閣耳。此皆專制之君主，欲集權一身，故移宰相之權，歸其所親信之近臣也。至清末之責任內閣，不過軍機處之變相，非真能負責任也。講起五句，教三權分立，乃立憲

國之通例。民國蓋仿先進國之成法也。至地方制度。較之前清略有變動。如廢府州廳是也。行省制度。尙未能驟革。識者多有所議云。講民國成立。至府州廳悉廢矣。教。中國本爲信教自由之國。較之歐洲各國。往往因宗教而啟戰爭者。大不相同。況今爲共和國。民益自由矣。講宗教一段。教。明末遺老之著作。皆憂世之言居多。然並不觸犯忌諱。故不至受文字之禍。然顧寧人已幾不免矣。至古文史地各學。各有專家。而算術尤稱絕學。因學之者少也。講清初大儒一段。教。自科學發達。而世界之物質文明。大形進步。中國之科學。雖尙在幼穉時代。然學校既興。則將來之突進。正未可量也。講末一段。

應用

一切政教學術。皆以道德爲前提。今民國之人民。果能注意於道德。則前途之黃金世界。行將湧現於目前矣。

參考

清之內閣大學士爲正一品。滿漢各二人。副之以兩協辦。分日票擬。以下於六部行之。雍正元年。始設立軍機處。以鄂爾泰張廷玉爲之長。實權悉歸焉。黃宗羲字太沖。號梨洲。餘姚人。父忠端公尊素。死闖難。先生學宗陸王。而於經史百家。無所不窺。其教學者。必先窮經。而求事實於諸史。所著書數百卷。而明儒學案一書。爲吾國學史之祖。學者稱曰南雷先生。顧炎武。字寧人。崑山人。於書無所不窺。尤留心經世之學。著有郡國利病書。肇域志。音韻五書。而日知錄三十二卷。尤爲生平精詣之作。人稱曰亭林先生。王夫之。字而農。號薑齋。湖南衡陽人。學者稱船山先生。所著書凡三百二十四卷。而讀通鑑論。尤其傑作。方苞。字靈臬。號望溪。安徽桐城人。有望溪文集行世。姚鼐。字姬傳。桐城人。著有惜抱軒文集。憚敬。字子居。江蘇武進人。有大雲山房文集若干卷。李兆洛。字申耆。武進人。著有養一齋文集。王鴻緒。字季友。號橫雲。華亭人。著有明史列傳稿二百八卷。及橫雲山人集。畢沅。字秋帆。鎮洋人。著作極富。於史學則有續資治通鑑二百二十卷。別爲考異。附於本

條下。又有史籍考。山海經。晉書地理志校注等作。顧祖禹。字景范。無錫人。著有方輿紀要百二十卷。魏源。字默深。湖南邵陽人。所著有海國圖志六十卷。又聖武記等書。梅文鼎。字定九。安徽宣城人。著有歷算全書。穀成。其孫也。字玉汝。號循齋。著有赤水遺珍。操縵卮言等書。華蘅芳。號若汀。無錫人。著有學算筆談等書。世芳其弟也。

第十八課 歷代興亡概略

要目

華族西來。黃帝。三代封建。五胡亂華。五代十國。

教材

我國最初之人種。厥惟苗族。距今五千年前。華族興自西北方。漸次南徙。遂苗族而居之。分衆部落。各戴酋長。其後酋長之傑出者。吞併他部落。勢力日增。遂成國家。而黃帝爲最盛。

黃帝數傳之後。至堯舜禪讓帝位。而傳之禹國。號曰夏。並商周而稱三代。三代以前。皆爲封建之世。秦繼周興。乃廢封建。爲郡縣。以至於今。

秦之後。爲漢。魏篡漢而興。吳鼎立。是爲三國。魏滅蜀。漢晉又篡魏。滅吳。統一中國。未幾五胡亂華。晉室東遷。遂成南北朝之世。宋篡晉。而齊梁陳繼之。是爲南朝。北魏滅五胡。而建國於北方。後分爲東西魏。而北周北齊繼之。是爲北朝。周滅齊。隋篡周。滅陳。南北始合。及唐滅隋。後又分爲五代。曰後梁。後唐。後晉。後漢。後周。偏安一隅。四方割據者。尙有十國。宋篡後周。統一天下。惟北方有遼。金滅遼。元又滅金。而併宋。明滅元。其末年流寇竄起。京師不守。滿州入關。國號曰清。傳二百六十餘年。漢人羣起革命。改爲共和政體。

要旨

授興亡之概畧。使有系統之觀念。

預備

提示

此課所講。乃將從前所讀者。造一有系統之簡明日錄也。

教。中華民國。合五大族而成。而苗獨不在內。不知苗實爲中國之舊主人。迨華種遷入。苗遂日形衰息。華種之發源。則不在中國本部。而在亞細亞之西北方也。講起六句。教。讀史有一最要之觀念。卽人類之進化是也。一部數千年之歷史。不過人類進化之陳列所而已。顧人種有智愚。斯進化有遲速。而國家遂分強弱。此又歷代治亂興亡之原因也。卽如吾國之由部落而國家。至黃帝而更盛。此進化之顯而易見者也。講分衆部落七句。教。既成國家。則君主之權力漸偉。故唐虞之時。尙爲禪讓。及乎三代。遂成世襲。至秦而竟成一統。此亦進化之明證也。講第二段。教。既成一統。斯生專制。專制者。國家之權力。集於君主一人之謂也。權力既集於君主。脫君主不才。權力爲他人所盜。則國家必生擾亂。兩漢之外戚宦官。其後爲新莽爲三國。西晉之賈后亂政。其後爲八王之亂是也。講秦之後爲漢六

句。教。此以前爲華族進化之現象。然人類固不止一族。而各自進化者也。各自進化。故各自擴其勢力範圍。互相接觸。斯生衝突。衝突不已。而生分裂。迨其後。則優劣判而存亡定矣。如五胡南北朝之時。乃華族與他族衝突之現象也。至隋而合併南北。則是華族占優勝也。講未幾五胡亂華。至南北始合。教。唐時爲華族全盛時代。其後漸衰。至元而極衰。是有原因焉。唐以武功定天下。故尊重軍人。又以幅員極大。分中央之權力。寄之方鎮。遂生方鎮跋扈之結果。由跋扈而分裂。由分裂而他族乘之。是爲五代。及趙宋興。矯五代之弊。重文輕武。兵備廢弛。於是他族驟盛。華族大衰。元遂入主中夏焉。講及唐滅隋。至元又滅金而併宋。教。自元以來。則爲世界交通時代。中國各族。漸次并爲一家。迨清廷遜位。民國成立。而前此之各自爲羣者。今則聯爲一體矣。講明滅元至畢。

應用

歷史非但記其事實而已。必將深觀前代之興亡。以爲今日之法戒。故第一不可

無寶愛國家之心。第二不可無崇拜英雄之念。第三不可無稟通因果之識。是所
望於善讀者。


參考

太古時代。華種自加爾齊亞、巴比倫、漸次東下。繁殖於黃河沿岸。苗種爲交趾
中國族。從雲貴諸省。蔓延於安南暹羅。周以前之荆蠻。唐之南詔。皆此族也。

(終)

METHODS FOR TEACHING
 NEW CHUNG HWA HISTORICAL READERS
 FOR COMMON SCHOOL
 CHUNG HWA BOOK COMPANY

民國二年九月初版



新中華高等小學歷史教授書(全九冊) 仁
 每冊定價大洋三角五折實售一角五分

(外埠加郵費六折實售一角八分)
 (輪船火車未通處七折實售二角一分)

編者	湯存德
閱者	戴克敦
印刷者	沈頤
發行者	陸費逵
	中華書局

總發行所 上海 中華書局
 分發行所 北京 天津 奉天 廣州 長沙 開封
 溫州 長春 漢口 南昌 南京 杭州
 濟南 保定 武昌 太原 中華書局

